

Potvrda gnijezdilišta galeba klaukavca – *Larus michahellis* (Naumann, 1840) na Blidinjem jezeru

Confirmation of breeding of the Yellow-legged gull – *Larus michahellis* (Naumann, 1840) in Blidinje lake: After 30 years we reconfirmed the nesting place of *Larus michahellis* (Naumann, 1840) in Blidinje lake – the highest known nesting ground of The yellow-legged gull in Bosnia and Herzegovina.

Galeb klaukavac – *Larus michahellis* (Naumann, 1840) je u Bosni i Hercegovini široko rasprostranjena vrsta. Međutim, gniježđenje vrste je još uvijek nepoznato i nedefinisano, a zabilježeno je na tek tri lokaliteta: Blidinje jezero [Obratil, S., 1987: Gniježđenje galeba srebrenastog – *Larus argentatus michahellis* Naumann, 1840 (Laridae) na Blidinjem jezeru u Bosni i Hercegovini. Glasnik Zemaljskog muzeja Bosne i Hercegovine, (PN) NS, 25-26, 239-247], Bardača i Saničani [Obratil, S., 1976: Pregled istraživanja ornitofaune Bosne i Hercegovine V (Charadriiformes). Glasnik Zemaljskog muzeja Bosne i Hercegovine, (PN) NS, 15, 221-241; Obratil, S., 1983: Avifauna sjeverne Bosne. Glasnik Zemaljskog muzeja Bosne i Hercegovine, (PN) NS, 22, 115-176]. Prilikom obilaska Blidinjeg jezera 11. juna 2016. godine u 10:00 primjećena je jedna jedinka u ležećem položaju nekoliko metara od obale jezera na otvorenoj livadi. Nakon uznemirenog bijega jedinke, uočeno je gnijezdo sa jednim jajetom (Sl. 1). Ovime je, nakon 30 godina, potvrđeno gniježđenje date vrste u parku prirode Blidinje. Pomenuti podatak predstavlja navisočije gniježđenje ove vrste na području Bosne i Hercegovine (1183 m n.v.).



Slika 1. Gnijezdo galeba klaukavca na Blidinju (Foto: Adnan Zimić)
Figure 1. The nest of Yellow-legged gull in Blidinje (Photo: Adnan Zimić)

Zimić Adnan
Bosansko-Hercegovačko Herpetološko Udruženje "Atra"
Urijan Dedina 137, 71000 Sarajevo, adnan.zimic@gmail.com